



Broj: T18 0 KT 0013984 19
Brčko, 05.03.2020. godine

Na osnovu člana 35. stav 2. tačka ž) i člana 226. stav 1. Zakona o krivičnom postupku Brčko distrikta BiH, p o d i ž e m

OPTUŽNICU

Protiv:

Š.H. ...

Što je:

Dana 20.11.2019.godine oko 11,05 sati, u Brčkom u Ulici Hasana Bećirevića na ulazu u parking prostor ispred zgrade Javnog registra i Omladinskog centra, upravljajući putničkim motornim vozilom „Seat“, registarskih oznaka ..., vršio radnju skretanja ulijevo iz Ulice Hasana Bećirevića na ulaz u parking prostor, prije nego što se uvjerio da to može učiniti bez opasnosti za druge učesnike u saobraćaju i ne obraćajući pažnju na pješakinju koja se približavala kolovozu, olako držeći da neće nastupiti zabranjena posljedica, postupajući suprotno odredbama člana 28. stav 1. i člana 36. stav 1. Zakona o osnovama bezbjednosti saobraćaja na putevima u BiH, usljed kojih propusta nije uočio pješakinju T.S. koja se kretala parking prostorom od Omladinskog centra u pravcu ulaza na parking gdje je vršio skretanje i nije na vrijeme zaustavio vozilo da bi izbjegao kontakt, iako je pri brzini od 15 km/h u trenutku započinjanja skretanja imao prostornu i vremensku mogućnost za to, pa je usljed toga došlo do kontakta lijeve strane vozila sa tijelom pješakinje T.S. koja je od udara pala na tlo te zadobila teške tjelesne povrede u vidu kosog otvorenog preloma desne goljenične kosti uz pomjeranje ulomaka i lisne kosti sa po jednim slobodnim fragmentom,

dakle, iz nehata, kao učesnik u saobraćaju na putevima koji se ne pridržava saobraćajnih propisa time tako ugrozio javni saobraćaj da je doveo u opasnost život ljudi, pa je zbog toga kod drugog nastupila teška tjelesna povreda,

čime je učinio krivično djelo – Ugrožavanje javnog saobraćaja – iz člana 326. stav 3. u vezi sa stavom 1. Krivičnog zakona Brčko distrikta BiH.

Preduzimanje radnji krivičnog gonjenja prema određenoj osobi ne znači da je ta osoba zaista i odgovorna za počinjenje krivičnog djela. Prema principu presumpcije nevinosti, svako se smatra nevinim za krivično djelo dok se pravosnažnom presudom ne utvrdi njegova krivica
